



Rabu, 24 April 2024

Ogen: Matius 1:18



"Ertunangen ras Jusuf"



Maria e me salah sada tokoh diberu i bas Pustaka Si Badia. Maria e ertunangen ras Jusuf, sekalak si bujur ras mehuli. Tupung ikataken Maria maka ia paksana natang tuah, la ipermelaken Jusuf Maria i lebe-lebe jelma si entrem. Jusuf ersura-sura lako nirangken Maria alu sinik-sinik. Tupung ia rukur kerna sura-surana e; teridah malaikat man bana, janah malaikat e mpeseh kata Tuhan gelah Jusuf la nadingken Maria erkiteken anak si paksana ibertin Maria jadi erkiteken kuasa Kesah Si Badia. Teraloken Jusuf perkatan Malaikat e, perbahan bagi si itandaina maka Maria e situhuna singuda-nguda si mehuli. Labo melala ietehna langkah si jahat. Ia singuda-nguda si setia man tunangenna dengen patuh man orang. Maria pe mehuli man sekelewetna. I bas kiniulinna me Dibata erdahin i bas diriNa, alu kuasa Kesah si badia. Maria natang tuah labo arah hubungan biologis ras dilaki sideban tapi arah pendahin Kesah Si badia. Jaman gundari enda, lit nge pasangan si lenga ertunangen entah erjabu nggo leben mehuli kulana janah peristiwa e jadi labo erkiteken Kesah Si Badia, tapi jadi erkiteken sura-sura si jahat entah pe la ngasup engkuasai diri i bas masing-masing pasangan e. Si enda tentuna la mehuli, la ngena ate Dibata erkiteken encurnaken gelar Dibata janah pe mpermelaken dirina bage pe keluarga besarna. Perlu kel kita selaku nande metenget dengen ngajaraken anak-anakta, gelah ietehna apai si mehuli ras si la mehuli si la banci idalanken. Jaman enda melala kel godaan-godaan si itawarken doni enda sierbahanca anak-anakta ceda bage pe masa depanna hancur. Erkiteken si e perluna pola asuh rikut pe ras pendampingen si mehuli nandangi anak-anakta. Ertunangen sah sah saja adi anakta nggo dewasa tapi perlu ijaga kebadian geluhna.

"Jaga kebadian geluhna selaku kita anak Dibata"